

澹縣志

卷目

卷一

圖

縣境總圖 城池 縣署 學宮 大旺山 衛河
縣境四鄉分圖 淇門 衛縣集 官堂 定源店

大仁店 黑山

卷二

沿革表

卷三

職官表

卷四

選舉表

卷五

方域志

星野
戶口

沿革
田賦

疆界
風俗

鎮所
物產

卷六

建置志

城池
倉廩

公署
壇廟

學宮
橋梁

卷七

學校攷

陳設
賓興

祭儀
鄉飲

書籍

卷八

祀典攷

上祀
羣祀

卷九

山水攷

卷十

水利攷

渠田

卷十一

兵防攷

卷十二

古蹟攷

城倉壇堂亭臺樓閣宅
水渠河津泊潭口泉井
陂隄橋村房戍棚塹
監鎮校墓

卷十三

寺觀攷

卷十四

世家

卷十五

系志
卷目

人物記

史傳

漢一人

晉一人

北齊一人

卷十六

人物記

集記

五代一人

元三人

明五十三人

卷十七

流寓記

古今共二十一

卷十八

列女記

元三人 明二十一人
國朝二百五十三人

卷十九

循政記

卷二十

藝文錄

詞章

卷二十二

雜稽上

史事
佚聞

卷二十二

雜稽下

辨訛
志原

補遺

金石錄別編上下卷

縣志卷十九

續編知縣翟山熊象階纂

循政記

熊象階曰秣陵三品縣卽縣高家封母調斷小宰也濬
併衛故朝歌縣也官同仕者當思所以爲利器歟作循政
記

漢

鄧訓

後漢書鄧字平叔禹第六子建初中上谷太守任興欲誅

赤沙烏桓怨恨謀反詔訓將黎陽營兵屯狐奴以防其變

訓善接邊民爲幽部所歸六年遷護烏桓校尉黎陽故人

冬獵將老幼樂隨訓徒還

禹南陽新野人

晉

鄭袤

晉書袤字林叔滎陽開封人也魏武初封諸子爲侯精選
賓友袤與徐幹俱爲臨淄侯文學轉司隸功曹從事袤遷
尚書郎出爲滎陽令吏民悅服太守班下屬城特見甄異
爲諸縣最

北齊

房超

通鑑綱目齊主初立勵精爲治趙道德以事屬滎陽太守
房超超不發書帙殺其使齊主善之命守宰各設格以

請之使

曜

北齊書儒林傳石曜字白曜中山安喜人以儒學進居官
清儉武平中黎陽郡守斛律武都出爲兗州刺史武都卽
丞相咸陽王世子皇后之兄甚貪暴先過衛縣命丞以下
歛絹數千疋以遺之及至黎陽令左右諷動曜及郡治下
縣官曜手持一縑謂武都曰此是老妻機杼聊以奉贈自
此來並須出于吏民吏民之物一毫不敢輒犯武都亦知
曜清素純儒笑而不責著有石子十卷後終譙州刺史

丁寓

張志禹黎陽令王維滑州隔河望黎陽憶之詩賴有
政聲遠時聞行路傳

宋

傅堯俞

張志堯俞填城人神宗時御史以劾論新法貶黎陽監倉
郡守欲檄他官代理辭曰居其官安可曠其職卒不聽雖
寒暑必至庾中治事後召爲秘書少監

孫輔

張志輔爲黎陽尉盜賊屏息嘗屈它以訪陽翟利生杜生
因以名聞

金

富察鼎壽

金史世威傳富察鼎壽本名和尚上京和碩河

張志作
得速河人

欽懷皇后父也賦性沈原有明鑒通契丹漢字長於吏事
尙熙宗女鄭國公主厯符寶郎蠡州刺史濬州防禦使有
惠政兩州百姓刻石紀之

張匡福

金史伊喇道傳奏廉能官濬州司侯張匡福等進兩階

王泉

張志泉字巨源浚人少慷慨膂力絕人貞祐末河朔兵亂
民聚黎山自保衆推泉爲極長吳功鎮國上將軍濬滑開
三州招撫使北兵歲入至相戒白黑王毀甚銳其鋒不可

輕犯以泉面鐵色故軍中目之卒年四十一

元

速哥察理

張志速哥察理西夏人累功授濬州達魯花赤時軍旅數興中外徵需頗繁重戶漸凋耗察理力爲惠愛撫綏阡陌久之與濬民相安不忍去買田築室黎陽山下治生教子間居二十年卒封魏郡伯葬黎陽山南

張文瑞

畿輔通志文瑞字伯祥真定人同知濬州事到都卽首廟學作興士類愛民奉公閭郡稱之

張淵

文瑞子延祐間復知濬州兼管本州與魯勸農事政蹟有
坐風穴小葬其父角場里之原

劉友諒

張志友諒字貞一至治元年知濬州訪察利病修舉廢墜
大定二年冬得代去百姓爲立碑頌之祠名宦

碑見金石

康若泰

張志若泰字魯瞻泰定進士濬州判官門無私謁天歷二
年歲大饑若泰召富家募之得粟二千石以給貧民禁止
橫斂里閭帖然祠名宦

阿魯渾普利

普利字允中至正中官濬州監五年愛民善斷禱雨輒應

潘被盜普刺丞往慰恤備至民賴以安

節錄至正十五年程貞撰遺愛

存見金石

王士元

王士元字堯佐恩州人泰定四年進士累官知濬州
經盜賊剽掠城堞不完士元力爲整頓至正十七年賊復
逼濬城兵潰士元坐堂上顧子致微曰吾守臣死職之若
則可逃致微涕泣抱士元不忍去賊至問曰爾爲誰士元
大聲叱曰我王知州也強賊識我否賊欲縛之士元與子
奮拳大罵格鬥久之力屈俱死入名宦有專祀在浮邱
下至今民于五月間賽會三日以祀之歲以爲常

張如英

張志如英浙江仙居人洪武初知濬縣多惠政民歌思之
祠名宦

葉子安

府志子安溫州人洪武乙卯由國子生選濬學訓導祭酒
宋訥先生稱之曰子安之教也本于德行之實不外于禮
樂射御書數之文可謂善教矣濬人知向學自子安始丁
巳召還京

方叔週

張志叔週鄞人洪武十年任知縣由東明縣調濬有廉潔
聲宋訥雅重之

王士廉

張志永樂十七年濬縣蝗知縣王士廉齋戒率僚屬耆民
禱八蜡祠以失政自責越三日有烏萬數食蝗殆盡皇太
子聞而嘉之顧侍臣曰此誠意所格人患無誠耳苟出于
誠何求不得此事可入國史而舊志并士廉姓名不載永
樂初有王憲豈憲字士廉耶存疑

熊鋁

府志鋁南昌人永樂初除教諭教規嚴密誨人不倦士習
丕變三年盧茂登第濬士成進士自此始九年諸生共保
留之陞府教授

姜森

張志森浙江慈谿人官教諭學問該博性樂易寬柔以整者也士多愛之

陳梁

張志梁江西豐城人官教諭性坦夷學問瞻博諸生咸愛敬之踰年卒于官

苟汝安

張志汝安蒲州舉人官教諭性嚴介立學中規條率士子修文會士風翕然變化尤有治事才官御史陞僉事

冀九經

張志九經益都人由歲貢官教諭溫厚有度量時以盛德稱士皆悅之

趙聰

張志聰江西進賢人官教諭才敏學贍諸生敬服官至蜀府長史

陳嘉言

張志嘉言字濱川祥符舉人官教諭性端方博學工文尤工書法教士以行誼爲先士風丕變學者稱曰濱川先生有去思碑官至知州

孟思濬學掌教陳濱川去思碑嘉靖辛丑夏大梁陳濱川先生始掌濬之教三載以賢擢國子監學正於是濬之而寮案私而鄉望屬而諸生賀筵餞席恐後之弗之獲行之日復帳于郭之西十里亭揚觴淪輶日且晡矣咸